

SANCTISSIMI DOMINI NOSTRI
CLEMENTIS

DIVINA PROVIDENTIA

P A P Æ XIV.

ALLOCUTIO

H A B I T A

IN CONSISTORIO SECRETO.

Die XVII. Januarii MDCCLXXIV.



ROMÆ MDCCLXXIV.

Ex Typographia Rev. Cameræ Apostolicæ .

THE
FIFTY-THIRD
ANNUAL MEETING
OF THE
AMERICAN
ASSOCIATION
OF
PSYCHOLOGISTS
Held at the
Hotel New York
New York City
September 1-5, 1901

THE
FIFTY-THIRD
ANNUAL MEETING
OF THE
AMERICAN
ASSOCIATION
OF
PSYCHOLOGISTS
Held at the
Hotel New York
New York City
September 1-5, 1901

THE
FIFTY-THIRD
ANNUAL MEETING
OF THE
AMERICAN
ASSOCIATION
OF
PSYCHOLOGISTS
Held at the
Hotel New York
New York City
September 1-5, 1901



VENERABILES FRATRES.



UM ex maximis lætitiæ Nostræ causis, quas hoc tempore Vobis declaraturi sumus, facile intelligere possimus, quantus futurus sit jucunditatis vestræ sensus, libentissime eadem Vobiscum communicamus, Venerabiles Fratres, atque etiam ex hoc ipso gaudio vestro magnum Nobis ad voluptatem cumulum accessurum agnoscimus. Ad ineundam pristinam nostram Avenionis, Comitatus Venaissini, Beneventi, & Pontis Curvi possessionem Carissimi in Christo Filii Nostri LUDOVICUS GALLIARUM REX CHRISTIANISSIMUS, & FERDINANDUS UTRIVSQUE SICILIÆ, & HIERUSALEM REX ILLUSTRIS Nos ultro compellant, & tanquam sua ipsi manu amantissime inducunt. Nemo unquam tanta cupiditate in suis amplificandis fortune fuit, quanta alacritate atque animi magnitudine jura resque Ecclesiæ ad Nos ipsi deferunt. Consiliorum omnium, ac summæ in Nos pietatis societate cum illis conjunctissimus est Carissimi item in Christo Filii Nostri CAROLI CATHOLICI HISPANIARUM REGIS animus, magnis Nobis antea semper, sed nunc maximis atque amplissimis amoris indiciiis perspectus.

Nos quidem in hanc spem jampridem veneramus, fore, ut omnino sua huc ipsos religio, sapientia, æquitas adduceret. Atque, ut omnem cogitationum nostrarum rationem Vobis aperiamus, propterea Nobis neque instandum atque urgendum, ac ne agendum quidem cum iis unquam duximus. Integram hanc illis laudem reservandam arbitrati sumus. Suo illos studio, sui animi præstantia, pacis cupiditate, Nostri etiam amore, quam flagitatione ac precibus impelli malebamus. Uberiorem putabamus illorum inde gloriam, & nostram pleniorē voluptatem exituram. Peroportune accidit, ut illis in Nos jam inclinatis Dilectissimi in Christo Filii Nostri FERDINANDI REGII HISPANIARUM INFANTIS summa pietas permagno ad hæc perficienda momento fuerit. Allatum ad Nos erat clarissimorum Regum consanguineorum suorum redintegratam erga illum esse gratiam. Lætitiam illius causa, quem ob eximias virtutes summo opere diligimus, tunc a Nobis susceptam extemplo eisdem cum singulari gratulatione testari sumus. Hoc officio nostro perspectum optimis Regibus fuit, quanto rerum omnium, quæ ad illos pertinerent, quanto pacis etiam concordæque studio teneremur. Cum vero præstantissimus Juvenis tantopere sua causa Nos gavisos videret, pro eximia sua gratissimæque voluntate simili Nobis navaandæ operæ, officiique præstandi miro ardore exarsit. Sua ipse sponte suoque judicio cum Avo, Patruo, ac Patruæ summa contensione egit, ut, quantum Nobiscum animo ac pietate essent conjuncti, re ipsa declararent. Maximas tum illi, qui id Nobis perscripserat, gratias egimus, ac Reges ipsi tantopere sunt hac illius virtute delectati, atque eodem in Nos studio excitati, ut, quod antea cogitaverant, statim salvis atque integris Ecclesiæ rebus ad Nos deferendis, quam præclara voluntate in Nos essent, palam omnibus facerent. Nunc igitur eodem una omnes animo hanc ipsam rerum Ecclesiæ incolumitatem, quasi certissimum quoddam pignus pacis mutuæque inter Nos concordie statuunt. Neque enim solum positas esse ac deletas volunt suspiciones omnes cuiuspiam, quæ antea intercesserit, similitatis, sed etiam con-

confirmatam atque auctam mitificat inter Nos benevolentiam, atque amoris conjunctionem. Letandum Nobis quidem magnopere est, atque eo uberius letandum, quo magis sancto pieque tueri jura ditionemque Ecclesie debemus, ut, quæ a Majoribus accepimus, salva, atque integra Posteris nostris transmittamus. Sed nullas majores gaudii nostri causas habere possumus, quam cum hanc ipsorum Regum pietatem, animique præstantiam intuemur. Non in opibus, atque copiis, sed in legum æquitate, ac virtute summam regni gerendi laudem, veramque ac solidam utilitatem sitam esse existimant. Se potestate sua egregie usos arbitrantur, si illius imperio pareant, cujus beneficio imperii dignitatem acceptam referunt, si illius gloriam augeant, si Domum Domini suo præsidio tucantur, si denique JESU CHRISTI speciem, cujus Vicariam Auctoritatem licet immerentes sustinemus, in Nobis colant ac diligant. Ab hujusmodi animorum inductione cum profecta sit tam præclara eorundem actio, religionis, æquitatis, sapientie, in Nos amoris plenissima, maximam illi quidem ad cætera decora atque ornamenta gloriæ accessionem faciunt, ac jure sibi plausus omnium vindicant, qui virtutis ac pietatis pulchritudinem sentiunt. Sed quæ nostra erga optimos Reges studia esse debent? quæ grati animi significatio eximie eorum in Nos voluntari par esse potest? Semper illos quidem pro suis Majorumque suorum singularibus in Ecclesiam meritis summa benevolentia profecuti sumus. Magnis & plurimis causis inducti fuimus, cur in illos omnia paternæ caritatis officia conferremus. Dignitate ac potentia inter maximos Ecclesie Filios sunt. Florentissimæ Ecclesieque fideissimæ Nationes eorum dominatur, atque imperio continentur. In religionis sanctitate atque obsequio populos suis ipsi & legibus & exemplis retinent. Sed hæc omnia pietatis ac sapientie exempla inclusa esse atque comprehensa videri possunt hoc pulcherrimo facto, quod sane (ut optima quæque rarissima sunt) eo difficilius ac præclarius existimari debet, quo justius est, atque ab omni cupiditate sejunctius. Hoc velut

re-

religionis , ſuique in Nos amoris poſito monumento , mirum in modum Eccleſiæ dignitatem , Sedis Apoſtolicæ obſervantiam , omnium in Nos ſtudium augent , atque una ſua poteſtatem muniunt , atque confirman . Neque enim regna atque imperia , ulla vi , & timore tantopere munita , ac vallata eſſe poſſunt , quam ſi religionis institutis , quæ vera ſunt regnandi fundamenta , ſi divina auctoritate , ac præceptis , quæ Eccleſiæ opera ac miniſterio in populorum animos influunt , conſtituta ac roborata ſint . Ita ipſi ſuæ poteſtati optime conſulunt , cum eandem ardiſſime cum religionis & Eccleſiæ rationibus colligatam eſſe volunt . Tam præſtantibus eorum in Nos animi indiis devincti mirifice , commovemur , Venerabiles Fratres , & mutuo atque incredibili quodam erga illos paternæ caritatis ardore incendimur . Ad hæc noſtra acrius excitanda ſtudia accedunt peregregia in Nos merita , cum eorum , quorum in maximis regni gerendis rebus præcipua utuntur opera , tum quos conſiliorum ſuorum apud Nos habent Adminiſtros . Qui omnes Regum ipſorum voluntati obſecuti , eorumque pietatis exemplo incitati , & ſuam illis fidem , induſtriam , prudentiam , & Nobis ſingularem in S. hanc Sedem animum probaverunt . Quapropter illis item plurimum a Nobis deberi , eoſque magnopere diligere , & eorum etiam cauſa augeri ſumma noſtra erga Reges ipſos officia proſitemur . Cariffimis itaque Filiis Noſtris , etſi datis ad eos litteris , quas maximas potuimus , gratias egimus , pares tamen ut referamus , quam aliam meliorem invenire rationem poſſumus , quam ſi pro illis vota noſtra , eaſque , quarum in Eccleſia maxima vis eſt , divinæ clementiæ conciliatrices atque auſpices preces omni animorum contentione adhibeamus ? Summum igitur Apoſtolatus Noſtri Conditorum Deum , ac Dominum N. JESUM CHRISTUM aſſidue flagitemus , ut , quam etiam in mortalis huius vitæ curſu tribuere mercedem ſolet optimis de ſeque præclare meritis Regibus , eandem illis ampliffime referat cum ſecundiſſimo rerum omnium ſucceſſu , regni , ac Liberorum , Regiæque Domus proſperitate , ac diuturnitate conjunctam . Sed huic ipſi ſummo præſtantium conſiliorum , factorumque omnium Auctori , per quem Potentes decernunt juſtiti-

tiam, præsertim immortales agenda sunt gratiæ. Nunquam ille Ecclesiæ suæ præsidium ac tutelam deserit; et si aliquando, ut vigilantiores, suæque ac suorum incolumitatis studiosiores faciat, agitari illam, turbarique sinit, demum pacis & tranquillitatis suavitate omnem præteriti mœoris molestiam abstergit. Ille Sacerdotii itemque Imperii jura instituit, atque inter Religionis ac Regnorum Moderatores magnam necessitudinem intercedere voluit, & posuit consilium pacis inter illos, quo una ad divinæ gloriæ incrementum, quæ rerum humanarum est finis, inserviant. Divinum itaque hunc pacis Largitorem obtestemur, ut voluntatem hanc suam nostris. hisce temporibus ratam ac firmam, & hoc præclarum concordiæ munus Nobis perpetuum esse velit, ut ex hac mutua nostra conjunctione optatissimi exitus, atque ad animarum salutem, ad Ecclesiæ utilitatem, ad eorundem Regum felicitatem uberrimi cumulatissimi que fructus derivent. Quo facilius hæc divinæ gratiæ munera obtineri a Nobis possint, B. PETRUM Ecclesiæ, ac Sacerdotii Nostri Ducem, Custodem, ac Præsidem, & Seraphicum P. FRANCISCUM, cujus in disciplina instituti sumus, & præsidium paratissimum semper sensimus, Nobis patronos, atque adjutores adjungamus. Proinde & nunc in SS. XII. Apostolorum Templo, ad quod ex hoc ipso confesso perrecturi sumus, & crastina die in Vaticana Basilica post solemnia Apostolicæ S. Petri Cathedræ sacra de more celebrata, vestris una Nobiscum conjunctis precibus summas Deo O. M. gratias & laudes referemus, & ab eodem Ecclesiæ tranquillitatem, & ipsi Regibus omnem gloriæ ac felicitatis amplitudinem postulabimus. Qua obsecrationum opportunitate Nos paterna nostra erga ceteros etiam Potentissimos Nobisque Carissimos in Christo Filios studia inducunt, ut eos item eorumque Imperia ac Regna precibus nostris comprehendamus. Cum ad omnes Catholici Orbis partes oculos convertimus, illosque suam regnandi rationem a religionis & justitiæ institutis repetere intuemur, tanto acrius inflammamur ad perpetua ac summa quæque ipsis inploranda cælestis clementiæ beneficia ac præsidia, quanto uberius atque constantior, iis omnibus pro divina gloria, & Christianæ reipubli-

cæ

(VIII)

et utilitate consentientibus, nostra debet esse atque universæ
Ecclesiæ jucunditas. Ad hæc pietatis exempla cum publicæ etiam
latitiæ vestræ significationes accedent, magnopere ceteros
omnes ad similem & pietatis, & hilaritatis imitationem exci-
tabius.



Roma 17 Gennaio 1774 — *Allegoria di S. Tomaso XIV rinata. nel Convento. Legato.*